



**UNIT KOMUNIKASI KORPORAT
JABATAN PERIKANAN MALAYSIA
BERITA PERIKANAN HARI INI**

**7 Disember 2020
21 Rabiulakhir 1442H**


SENARAI AKHBAR	TAJUK
Utusan Malaysia	• Seni warisan lukah jangan dilupa
Berita Harian	•
Harian Metro	•
Kosmo !	•
Sinar Harian	•
The Star	•
New Straits Time	•
Nanyang Siang Pau	•
Malaysia Gazette	• NGO ajak rakyat Malaysia doakan Covid-19 segera berakhir
Harakah	•
Malaysia Dateline	•
Bernama	•
See Hua Daily News (Kuching)	•
Guan Ming Daily	•
Sin Chew Daily	•

JENIS AKHBAR						MUKA SURAT	TARIKH		
UTUSAN MALAYSIA	✓	KOSMO		THE STAR	NANYANG SIANG PAU				
BERITA HARIAN		SINAR HARIAN		THE SUN	ORIENTAL DAILY				
HARIAN METRO		NEW STRAITS TIMES		THE MALAY MAIL	PELBAGAI				
KATEGORI LIPUTAN: POSITIF			NEGATIF		NEUTRAL		21		

UTUSAN MALAYSIA
ISNIN • 7 DISEMBER 2020

21

Gaya WARISAN



ABU Hassan menyiapkan lukah bersaiz lebih besar daripada dirinya bagi tujuan pameran. - UTUSAN/NOR AIMNA HAMZAH

Seni warisan lukah jangan dilupa

Oleh **HOR ANNA HAMZAH**
utusannews@mediamulia.com.my

“**J**ANGAN meracun ikan, jangan menuba ikan, jangan menayo ikan, buat lukah tangkap ikan, buat lukah tangkap ikan, buat lukah tangkap ikan.”

Bait-bait kata berkenaan merupakan lirik dan lagu yang dicipta seorang pembuat lukah, **Abu Hassan Mohd.**, 86, yang sejak usia 13 tahun sudah manir membuat peralatan menangkap ikan itu.

Kemahiran itu diwarisi daripada datuknya, Mohamad Amin, ketika menetap di Kampung Lubok China, Melaka dan ilmu berkenaan kemudiannya dijadikan hobi utama sejak menetap di Felda Pasir Besar, Gemas.

“**Langkah pertama ialah memilih buluh yang baik, bukannya buluh bagi membuat lemang tetapi buluh tilan.**”

Sejak itu dia mula kerap membuat lukah seawal tahun 80-an bagi menangkap ikan.

“Sudah tak terkira berapa banyak saya buat lukah, mungkin sudah hampir 1,000 tapi apa yang membuatkan saya sedih tiada golongan pelapis untuk saya wariskan kemahiran ini yang merupakan seni

tradisi menangkap ikan orang Melayu dulu-dulu.

“Malah sehingga kini impian saya untuk mempunyai bengkel sendiri dengan sokongan agensi kerajaan bagi memberikan kelas kepada generasi muda untuk membuat lukah juga masih belum tercapai,” katanya ketika ditemui *Utusan Malaysia* di Peringkat 1, Felda Pasir Besar Gemas, Tampin, Negeri Sembilan, baru-baru ini.

Abu Hassan berkata, pembuatan lukah tidak begitu rumit dan hanya memakan masa tiga hari untuk menghasilkan lukah bersaiz sederhana.

Malah menurutnya, bahan-bahannya juga mudah ditemui iaitu buluh, akar peruk kera ataupun digantikan dengan besi atau tali rafia.

“Langkah pertama ialah memilih buluh yang baik, bukannya buluh bagi membuat lemang tetapi buluh tilan. Kemudian, kita ukur berapa panjang lukah yang nak kita buat dan baharulah kita potong dan jemur.

“Buluh berkenaan kemudiannya diraut daripada saiz besar ke kecil di bahagian hujungnyanya. Kemudian kita fokuskan pula membuat bahagian kepala lukah,” katanya lagi.

Menurutnya, di bahagian hujung dalam lukah terdapat lubang untuk membolehkan ikan masuk di mana terdapat bilah rotan yang runcing dan tajam yang disusun menjadi seperti kon di sepanjang laluan ikan.

“Kadangkadangkanya saya kecewa bila seni seperti ini tidak dapat dikongsiikan

kepada generasi muda. Sekurang-kurangnya biarlah ilmu ini ada pada anak muda.

“Kalau mereka tinggal berdekatan sungai, mereka boleh jadikan lukah ini sebagai sumber makanan mereka. Datuk saya dulu selalu pesan, tak payah makan ikan kalau tak pandai buat lukah,” katanya.

Begaimanapun menurutnya, arwah datuknya itu ada membuat lukah bersaiz besar sehingga buaya juga boleh masuk ke dalam lukah berkenaan ketika dipasang di sungai di Lubok China.

“Lukah ni bagus, kita tak antiaya ikan dan anak-anak ikan. Kalau diracun, dituba banyak ikan yang akan mati, tanpa rasanya” katanya kesal.

JENIS AKHBAR

JENIS AKHBAR					MUKA SURAT	TARIKH
UTUSAN MALAYSIA	✓	KOSMO I	THE STAR	NANYANG SIANG PAU		
BERITA HARIAN		SINAR HARIAN	THE SUN	ORIENTAL DAILY		
HARIAN METRO		NEW STRAITS TIMES	THE MALAY MAIL	PELBAGAI		
KATEGORI LIPUTAN: POSITIF			NEGATIF		NEUTRAL	22

22

UTUSAN MALAYSIA
ISININ • 7 DISEMBER 2020

Gaya • WARISAN

ABU Hassan (kiri) dan Samsuri Said menunjukkan lukah yang dihasilkan.



Dari muka 21

BERHENTI KERJA, MAHU KOMERSIALKAN LUKAH Bagi Samsuri Said, 56,

dia nekad berhenti kerja dalam tempoh 24 jam sebagai pengurus landskap di sebuah hotel di Melaka bagi membantu Abu Hassan merealisasikan hasrat membuka bengkel pembuatan lukah.

Menurutnya, dia tidak tahu sama ada keputusan yang dibuatnya kira-kira dua bulan lalu itu tepat atau sebaliknya. Namun hasratnya adalah bagi menghasilkan lukah secara komersial.

"Pendemik Covid-19 ini menyebabkan saya kembali ke pangkal jalan mencari warisan Melayu yang ditinggalkan dan kebetulan saya bertemu dengan pak cik Abu Hassan di kedai makan di Felda ini," katanya.

Menurutnya, Abu Hassan yang digelar sebagai guru meluahkan rasa sedih dan bimbang tiada pelapis bagi mewarisi kemahiran membuat lukah darinya.

"Dia telah meluahkan rintihannya berpuluh-puluh tahun lalu yang membuat lukah tanpa sebarang sokongan. Dia berhasrat untuk membuat kelas serta memiliki bengkel pameran lukah.

"Jadi saya berikan ruang menggunakan rumah pusaka bapa saya di Felda ini sebagai bengkel dan sejak dua bulan lalu, saya mula belajar menghasilkan lukah," katanya.

Menurut Shamsuri lagi, Abu Hassan mengajarnya daripada langkah pertama iaitu memilih buluh, mengukur saiz dan memotong buluh mengikut saiz lukah yang ingin dihasilkan.

"Saya sudah mampu membuat lukah malah kim saya sedang berusaha

untuk mengkomersialkan pembuatan lukah ini untuk dijadikan perhiasan, hadiah ataupun digunakan mengikut fungsinya iaitu menangkap ikan.

"Jika sebelum ini, pak cik Abu Hassan memang menghasilkan lukah khusus bagi menangkap ikan, kini, sudah tiba masanya mengkomersialkan produk seni tradisi masyarakat Melayu ini," katanya.

Tambahnya, baru-baru ini mereka dikunjungi oleh Ahli Dewan Undangan Negeri (ADUN) Gemas, Datuk Abd. Razak Ab. Said dan dia amat berharap agar kunjungan berkenaan menjadi pembuka kepada produk lukah mereka agar lebih dikenali.

ANTARA lukah yang dihasilkan.



SEMANGATNYA terhadap seni tradisi Melayu dalam pembuatan lukah memukau Abu Hassan masiti terus membuat lukah.

JENIS AKHBAR							MUKA SURAT	TARIKH
UTUSAN MALAYSIA		KOSMO I		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI MALAYSIA GAZETTE ✓		
KATEGORI LIPUTAN: POSITIF			NEGATIF		NEUTRAL		ONLINE	7/12/2020

NGO ajak rakyat Malaysia doakan Covid-19 segera berakhir

By
Nizam Zain

5 December 2020



Pengasas Yayasan Winner Emperor Sedunia, Datuk Seri Liow Soon Hee (tengah) sedang melepaskan anak ikan keli di Sungai Langat, Banting, Selangor hari ini.

BANTING – Yayasan Winner Emperor Sedunia hari ini melepaskan sejuta anak ikan keli ke dalam Sungai Langat, di sini sebagai simbolik mendoakan kesihatan, kesejahteraan dan kebaikan kepada semua rakyat Malaysia yang terjejas akibat pandemik Covid-19.

Pengasas Yayasan itu, Datuk Seri Liow Soon Hee berkata, mengikut kepercayaan orang Cina, dengan cara itu dapat membebaskan rakyat Malaysia daripada kesusahan yang dibawa oleh wabak membawa maut itu.

"Dengan adanya acara simbolik pelepasan sejuta anak ikan ini, kami ajak semua rakyat Malaysia berdoa mengikut agama masing-masing agar kesusahan yang dihadapi sekarang berakhir secepat mungkin.

"Kita memohon agar semua orang tanpa mengira agama, kaum dan bangsa keluar atau bebas daripada kesusahan seperti bebasnya ikan di dalam air sungai," katanya dalam satu kenyataan, hari ini.

Terdahulu Soon Hee bersama pemimpin masyarakat setempat di sini menyempurnakan upacara pelepasan sejuta anak ikan keli ke dalam Sungai Langat di rumah ibadat Persatuan Penganut Nan Hai Guan Yin Sze, dekat sini.



Pengasas Yayasan Winner Emperor Sedunia, Datuk Seri Liow Soon Hee (dua kanan) menyerahkan sumbangan barang keperluan asas kepada 100 keluarga yang memerlukan di Banting, Selangor hari ini.

Bagi meluaskan mesej itu, pihaknya turut mengagihkan sumbangan barang keperluan asas kepada 100 keluarga berbilang kaum dan agama yang memerlukan dan tidak bernasib baik di sekitar kawasan itu.

Dalam pada itu, Soon Hee menyatakan komitmennya untuk membantu lebih ramai rakyat Malaysia yang terjejas dan kehilangan pekerjaan serta pendapatan akibat pandemik Covid-19 dan pelaksanaan Perintah Kawalan Pergerakan (PKP) sejak Mac lalu.

“Kita harap ekonomi Malaysia kembali pulih dan Covid-19 pula cepat berakhir dan dengan cara itu saya mampu meneruskan sumbangan ini pada bila-bila masa, tidak mengira bangsa dan agama mengikut kemampuan,” katanya lagi. – MalaysiaGazette